

Dana 01.12.2019.g., na osnovu uzajamne saglasnosti, sklapa se:

SPORAZUM O SARADNJI

Između:

Fondacija „Kрила наде“, Sarajevo, ul. Dr. Mustafe Denišlića, zastupana po direktorici Mariji Šarić

i

JU „Kantonalni centar za socijalni rad“ Sarajevo, ul.

Gatačka br.80, zastupan po direktoru Mr. sc Samiru Suljagiću

1. Uvodne odredbe

1.1. Fondacija „Kрила наде“ i JU „Kantonalni centar za socijalni rad“ (u daljnjem tekstu: potpisnici Sporazuma) sklapanjem Sporazuma o saradnji (u daljnjem tekstu: Sporazum) izražavaju spremnost na saradnju na području promicanja aktivnosti za koje su registrovane i zajedničkih ciljeva, temeljenih na uzajamnom povjerenju i razumijevanju.

1.2. Potpisnici Sporazuma ovim aktom određuju da su sve naredne zajedničke aktivnosti, kao i međusobna saradnja u vezi istih definisana djelatnostima koje inače obavljaju potpisnice Sporazuma, a to je najbolji interes djece i podrška marginaliziranim kategorijama društva.

1.3. Saradnja potpisnika ovog Sporazuma nije uslovljena nikakvim materijalnim učešćem u aktivnostima, i bazirana je na međusobnom dogovoru i mogućnostima strana – potpisnika Sporazuma.

1.4. Potpisnici ovog Sporazuma će odrediti osobe zadužene za komunikaciju i koordinaciju zajedničkih aktivnosti, koje će komunicirati službenim mailom.

2. Predmet i cilj

2.1. U skladu sa svojim mogućnostima, potpisnici ovog Sporazuma saglasni su da ostvarivanjem saradnje doprinose realizaciji aktivnosti vezanih za postupanje sa djecom i maloljetnicima u krivičnom postupku, mlađim punoljetnim

osobama, kao i djeci koja su žrtve nasilja ili svjedoci, zaštite djece i omladine sa poremećajem u ponašanju i članova njihove porodice, kao i aktivnosti vezanih za postupanje sa žrtvama nasilja u porodici, kao i svim drugim aktivnostima koje se odnose na tretman i zaštitu ugroženih članova društva, a koji se tretiraju na bilo koji način kod potpisnika Sporazuma, odnosno koji su korisnici usluga potpisnika Sporazuma.

2.2. Potpisnici Sporazuma će svojim aktivnostima u međusobnoj saradnji težiti efikasnom i savjesnom postizanju zajedničkih ciljeva u smislu promocije civilnog društva i razvoja svijesti kod marginaliziranih kategorija stanovništva o sistemskom rješavanju problema, koji uključuje i rad nevladinog sektora.

3. Razmjena informacija

3.1. Potpisnice Sporazuma su saglasne da je razmjena informacija bitan uvjet saradnje.

3.2. Potpisnice Sporazuma će se međusobno informisati o svim pitanjima od važnosti za realizaciju Sporazuma, a na temelju predhodnih pisanih zahtjeva.

3.3. Pisani zahtjev mora sadržavati sve konkretne razloge zbog koji se traže informacije, kao i svrha u koju se koriste.

3.4. Osim razmjene informacija iz tačke 2.1. potpisnice Sporazuma mogu razmjenjivati druge informacije važne za njihov rad.

4. Povjerljive informacije

4.1. Potpisnice Sporazuma saglasne su da će poduzeti sve potrebno za čuvanje povjerljivosti dobivenih informacija i da će razmijenjene povjerljive informacije biti korištene samo u svrhu koja je naznačena u pismenom zahtjevu, odnosno u svrhu za koju su dobijene.

4.2. Potpisnice Sporazuma obavezat će svoje zaposlenike odnosno članove na čuvanje tajnosti povjerljivih informacija dobivenih saradnjom s drugom potpisnicom Sporazuma (posebno koji se odnose na korisnike).

4.3. Obaveza čuvanja povjerljivih informacija dobivenih na osnovi Sporazuma postoji i nakon prestanka važenja istog.

5. Prijelazne i završne odredbe

5.1. Sporazum stupa na snagu danom potpisivanja od strane obje potpisnice Sporazuma i bit će na snazi do 31.12.2020.godine.

5.2. Svaka od strana potpisnica Sporazuma, može se povući iz Sporazuma, o čemu je dužna pismeno obavjestiti drugu stranu, mjesec dana prije povlačenja.

5.3. Sporazum je sačinjen u dva četiri primjerka od kojih svaka potpisnica Sporazuma zadržava po dva primjerka.


U Sarajevu, 01.12.2019.g.

Za Fondaciju „Kriła nade“

Za: 

Marija Šarić

Za JU „Kantonalni centar za socijalni rad“



Mr.sc Samir Suljagić

